



DEO OPTIMO MAX.
UNI ET TRINO.

VIRGINI DEIPARÆ, ET S. LUCE
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda, in Scholis Medicorum, die Jovis decimâ-septimâ
Martii anni M. DCC. XXXV.*

M. JACOBO ANTONIO MILLET,
Rei Herbariæ Professore designato, Doctore Medico,
Præside.

An Legumina præ ceteris alimentis salubria?

I.



ALSO queritur, inquit Sallustius, de natura sua genus humanum, quod imbecille atque ævi brevis sit. Hoc non tam à morbis repetas quam à morborum causis; has inter non ultimas tenent alimenta, alimentorumque species diversæ, quæ nunc profunt, nunc nocent. Hinc enim non raro accidit ut quæ palato magis sapiunt alimenta, ea gulosis placeant magis in sanitatis vitæque dispendium. Alimentum in genere illud est omne quod nutriendo augendove corpori humano à Præpotente Deo creatum est atque destinatum. Sunt alimentorum species, quemadmodum indole à se invicem quam diversissimæ, sic numero vix numerabiles. Suppeditantur vel ab animalibus vel à vegetabilibus. Vix quidquam alimenti è mineralium regno homini suppetit, nisi forsan pro alimento quadantenus habeatur quod digerendis distribuendisve

2

alimentorum quaquaversum moleculis inservit atque famulatur. Animalium carnes, viscera, ossium ergastulo medulla cerebraque inclusa, imò ossa ipsa arte præparata in alimentum cedunt. Animalium lac, non secus ac è lacte confectum butyrum & caseus nutrimenti præbent non parum. Nec desunt qui extractum ex animantium venis sanguinem in sui alimoniam feliciter transferant. Pisces, sive testacei, sive squammosi, sive marini, sive fluviatiles reparando corpori humano satis idonei esse deprehenduntur. Jam ex vegetabilium familiâ quid non utilitatis in homines redundat? Quam varium alimenti genus in mortalium commodum elicitur! Arborum, fruticum, suffruticumque fructus, sine alterius accessione alimenti, sustentandæ humanæ machinæ non semel inservierunt. Frumenta è quibus conficitur panis, legumina strictè dicta ritè præparata corpori tum restituyendo tum extendendo non leve conferunt symbolum. Deus bone, quot quamque multiplicia fovendo, tutandoque generi humano creasti præsidia! Sed ne quis hallucinetur, asserimus has inter multiformes alimentorum species iis palmam deberi quæ cæteris faciliùs digeruntur quæque in partium nutriendarum vacuola copiosius & minori negotio triduntur.

I I.

LEGUMEN Romanis à legendo sive eligendo nuncupatum esse arbitrantur. Iam auctores non pauci. Græcis *σπείρον*, *χίδριον*, *φακὶν*, *λάχανον* audiebat. Quamvis vox *φακὶν* apud Athenenses pro lente significanda usurpari censeatur. Leguminum nomen apud varios auctores varium quiddam videtur innuere: nos autem, ut genuinus nomini sensus constet, pro leguminibus habemus quidquid ex plantis præfertim herbaceis accersitum, deglutitur, digeritur, nutrit. Huiusmodi sunt radices, ut Pastinacæ, Dauci, &c. bulbi, ut Cæpæ, Porri, &c. Turiones, ut Asparagi, Lupuli, &c. folia, ut Lactucæ, Brassicæ, &c. semina, ut Oryzæ, Hordei, &c. Putabit non nemo in leguminum censu duntaxat reponi debere plantas illas, quarum, folia cum seminibus, radices cum caulibus, bulbi demum cum cæteris plantarum partibus promiscuè quoad nutriendi virtutem confunduntur? Hallucinatur ille. Nam in his leguminibus ut in Solano esculento, pars una nutrit; in illis, ut in lactuca, omnes plantæ partes nutriunt. Hujus discriminis rationem quæris? Plantæ succus nunc in floribus elaboratior, unde major florum virtus medica ut in Solano, de quâ hic non agitur; nunc in bulbo Solani minor quidem virtus medica, sed major nutritia; at in singulis Lactucæ partibus nutriendi vis eadem. Primævos homines leguminum usui semper assuetos diù multumque vixisse nisi memoriæ proditum esset, tamen vero simillimum esse judicaretur; cum nec animalia cuiusvis generis in usum trahere novissent, aut terram colere, aut alio quovis alimento nisi leguminibus uti. Hinc infer quòd à morbis ab alimentorum indole oriendis idcirco fuerint immunes, quoniam leguminum, quæ morbos averruncarent, usus, tutam illasque ipsorum sanitatem conservavit; an non hoc sit probare videtur altum antiquorum Medicorum de Therapeutice silentium? Vis addam Pythagoram ejusque assecras non nisi leguminibus vesci nutritrique confuetos, quamvis non ignorassent cæteris hominibus aquatiliū terrestriumque animalium carnes escam esse familiarem?

III.

NORUNT omnes nullum esse alimenti genus quod alere non possit. Verùm alenda corpora quàm inter se discrepant vel ipsius faciei lineamentis atque ex-

ternâ specie, tam à se internâ partium texturâ & robore dissentiunt. Ex hoc fonte quid concludimus, inquires? concludimus eos quorum interior partium textura & robur ad se propius accedunt, iisdem ferè alimentis, si salubria deprehendantur, uti posse, modo idem aër, exercitium, aliaque id genus nihil ponant obicis. Verùm hoc, ut aiunt, corvo cum sit rarius albo, quid restat nisi ut de alimentis affirmemus alia quidem alimenta ab aliis rectè digerî; alia vix aut perperam; pauca, quæ ab universis hominibus æquè digerantur. Est hæc leguminum præcipua dos ut ab universis hominibus æquè digerantur & in nutrimentum copiosè facessant. Nam dentibus commolita suæ favent divisioni eò liberius, quò laxioribus constant partibus, & succo plerumque turgent, quo salivæ parçitas suppletur: deinde in Ventriculum delapsa, à Ventriculi muscutorumque vicinorum compressione eò subiguntur faciliùs quòd nihil in se contineant quòd tritui sit repagulo; nihil, quòd cum succo gastrico non concurrat ad partium nutritiarum comminutionem atque evolutionem. Nam salia, quibus abundant, ab humido leguminoso dissoluta chylosas partes undique invadunt, ut vix priùs ventriculi fundo infederint, quàm chylus indè exurgat multò elaboratior atque illo subtilior, qui è cæteris alimentorum speciebus elicitur: hinc per Pylorum interjecto brevi tempore in Duodenum delapsus multò adhuc subtilior dilutiorque evadit. Hinc collige quanta Chyli sic elaborati portio per Duodeni vasa chylosa libero pede feratur, dum pars chyli residua ulterius adhuc subacta intestinorum Jejunii lileique motibus eum adipiscitur tenuitatis gradum, ut tota ferè vasorum lacteorum hiantibus sese insinuet osculis, eò faciliùs, quòd tenuissima est; eò promptius, quòd ab intestinalium vasorum ictibus liberius propellatur. Hinc Mesenterii canaliculos canalemque Thoracicum è leguminibus confectus Chylus dum ingreditur, eò celerius ad venam Subclaviam & Cor deferitur, quò mitioribus constat partibus, rigiditate & densitate destitutis: à Cordis demum antlia quaquaversum expulsus an non minore negotio, an non copiosius, quàm chylus ex aliis ortus alimentis, partes nutriendas nutrit?

I V.

NUTRITIONIS necessitatem à partium corporis humani quotidie avolantium jacturâ repetere: huic partium jacturæ supersunt ubique vacuola, quæ, nisi intra certum temporis spatium impleantur, torpent vasa, languent muscoli, evolvuntur salia corporis acria, quæ non tantum in hoc casu non nutriunt, sed vellicant roduntque cæteras partes, unde major substantiæ jactura, quâ corpus demum universum macie labefactatum corruiat, necessum est. Hæc ut præcaveatur calamitas, alimentis est opus, quæ cordis arteriarumque oscillationibus ad loca nutrimenti indiga truantur: hanc autem frustionem motûs legibus sic fieri intellige. Pars Chyli nutritia sanguinis fluento circumacta & ad ultimas arteriarum propaggines propulsa motûs communis peripheriam occupat, dum pars massæ sanguineæ majorem habens motûs quantitatem centrum tenet, ac proinde per arteriarum axes ad apices tendit. Cum autem arteriarum latera nusquam non ramulos à se invicem hinc illinc divaricantes emittant, hinc conjice chyli subtilissimam portionem in horum ramulorum oscula adigi, quòd liquor, qui in centro vasûs movetur premat ad latera ac proinde ulterius urgeat quidquid lateribus est proximum. Quòd si in ipsis arteriarum apicibus diversarum diametrorum vasa reperiantur, diametros angustiores subire cogetur portio chyli nutritia, utpote maximè comminuta; unde hujus generis vasa nuncupantur Secretoria, quòd chylum replendis va-

4

cuolis idoneum à sanguine secernant & partibus nutriendis applicent, ubi pro superficierum vix narrabili multiplicitate statim coeunt ac quasi gluten effor- mant, quo partium amissarum dispendium refarcitur. Pro Chyli maiore mi- noreve comminutione, major minorve vasa secretoria ingrediendi facilitas; Major etiam minorve chyli copia vasa secretoria subit. E leguminibus existit Chylus, qui facilius, oritur, qui copiosius, vasa secretoria subeat ac proinde qui facilius nutriat atque copiosius.

V.

CONSTAT ex dictis è leguminibus Chylum exuberare præ cæteris ali- mentis, tum laudabilem, tum copiosum. Forsitan recalcitrabit lactici- ni quispiam amans aut assecla. Defendet hic, Lac & facilius digeri & distribui co- piosius, quandoquidem chylus cum sit, visceribus digestionis servientibus nec accessit negotium, nec non inde ad partium nutriendarum vacuola sic trans- mittitur, ut vel totum vel ferè totum nutritioni impendatur. Hunc nodum hoc solvimus modo. 1°. Lac omnibus hominibus non convenit, quippe quod morbis ansam non rarò præbuisse atque etiamnum præbere deprehendatur. Quoties enim cum succo gastrico & intestinali vitiatis & à crasi suà degeneri- bus miscetur, toties morbum parit, quin imò plurimos è medio sustulit. 2°. Lac non tantum hominibus præstat nutrimenti quantum legumina, unde mi- nus copiose nutrit. Butyrum pro obsonio; Caseus verò pro nutrimenti specie pessimo proximè habeantur. Carnium ex animalibus terrestribus petitarum usum leguminibus præfers? Perpende 1°. an carnes omnibus æquè competant. Quot enim ventriculi carniū esu gravantur? Quot, quorum intestina carniibus sub- igendis & emulgendo proinde Chylo prorsus sunt imparia? 2°. animadverte quam plurimos esse quorum sanguis ex evoluto carniū sale volatili sic ex- stuat, ut inde vasis ambientibus crispatura inducatur, viscerum infarctus gi- gnatur, in nonnullis febris accendatur. Quidquid sit, ex ipsà vaforum crispaturâ intellige vasa nutrimenti secretoria rigescere. Reliquum igitur est ut por- tio chyli nutritia vel in destinata nutritioni vix admittatur receptacula, vel tota saltem non admittatur, unde refuat necessum est. Vides quid ex terrestribus; ausculta quid ab aquatilibus oriatur aliquando animalibus incommodi. Pisces, animalia cum sint, in suo statu diutius quàm legumina persistant atque perse- verant. Quid inde? Respondemus, juvenibus illis oleum viscosum ac lentum; senibus sal muriaticum præsertim marinis tantâ copiâ inesse ut fibrarum hinc erethismus, illinc nimia laxitas oriantur, unde malum anceps. Recensita jam carniū vitia procul à leguminibus exulant. Nam cum partibus consent aquo- sis nitro-oleosis, paucò sale volatili & terrâ; sequitur nihil in ipsis reperiri nisi lene, nature accommodum, dissolutioni aptissimum, distributioni nutri- tionique maximè idoneum, si quidem nec qualitate solùm, sed quantitate quàm optime nutriunt, unde concludimus.

Ergò Legumina præ cæteris alimentis salubria.

Proponebat Parisiis, BARTHOLOMÆUS MURRY,
Laonenfis Hibernus, Baccalaureus Medicus, A. R. S. H.
1735. à sextâ ad meridiem.